



Datum: 20.05. 2025. godine

Broj: 00-85/25

Na osnovu člana 89. stav (1), člana 70. stav (1) i člana 64. stav (1) tačka b) Zakona o javnim nabavkama BiH ("Službeni glasnik BiH", broj: 39/14, 59/22 i 50/24)), člana 8. Statuta SERDA d.o.o. Sarajevo, te Zapisnika o ocjeni i pregledu ponuda, donosim:

ODLUKU **o izboru najpovoljnijeg ponuđača**

I

1. Prihvata se Ponuda ponuđača: PRINTERPAPIR d.o.o. Sarajevo d.o.o. Sarajevo, br. ponude: 02-03/25 od 24.03.2025. godine za javnu nabavku usluga nabavke i štampanja promo materijala za projekte: Projektna akademija, BITNET (EEN), Agencija SERDA, konferencije, seminare i materijale za sjednice organa Društva, u postupku Konkurentski postupak za dostavu ponuda. Cijena Ponude, poslije e- aukcije, bez PDV-a je 32.690,00 KM.

II

2. Sa navedenim ponuđačem će se zaključiti ugovor o nabavci usluga.

O b r a z l o ž e n j e

Obavještenje o nabavci broj 381-7-2-21-3-4/25 za javnu nabavku usluga - Nabavka i štampanje promo materijala za projekte: Projektna akademija, BITNET (EEN), Agencija SERDA, konferencije, seminare i materijale za sjednice organa Društva je objavljeno putem sistema „e-nabavke“ 14.03.2025. godine.

Obavještenje o nabavci u ovoj javnoj nabavci objavljeno je u „Službenom glasniku BiH“, broj: 17/25 od 21.03.2025. godine.

Tendersku dokumentaciju u postupku javne nabavke po Tenderu broj JN-65/25 Nabavka i štampanje promo materijala za projekte: Projektna akademija, BITNET (EEN), Agencija SERDA, konferencije, seminare i materijale za sjednice organa Društva, putem sistema „e-nabavke“ preuzelo je 19 ponuđača.

Rok za podnošenje ponuda je bio 26.03.2025. godine do 14:00 sati.

Bm
ku



U ostavljenom roku za preuzimanje i dostavu ponuda svoje ponude su dostavili sljedeći ponuđači: GONG d.o.o. Sarajevo, PRINTERPAPIR d.o.o. Sarajevo, GRAFIČAR d.o.o. Bihać, ŠTAMPARIJA Fojnica d.d. Fojnica, OXYGEN d.o.o. Sarajevo, SVJETLOST-BH PRINT d.o.o. Sarajevo i INTEA BH d.o.o. Sarajevo.

Ponuđači su dostavili ponude sa cijenama kako slijedi:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	GONG d.o.o. Sarajevo	39.950,00	46.741,50
2.	PRINTERPAPIR d.o.o. Sarajevo	39.673,40	46.417,88
3.	GRAFIČAR d.o.o. Bihać	39.769,00	46.529,73
4.	ŠTAMPARIJA Fojnica d.d. Fojnica	39.850,02	46.624,52
5.	OXYGEN d.o.o. Sarajevo	39.601,00	46.333,17
6.	SVJETLOST-BH PRINT d.o.o. Sarajevo	39.971,41	46.766,62
7.	INTEA BH d.o.o. Sarajevo	39.058,50	45.698,44

Nakon otvaranja ponuda, pristupilo se analizi dokumenata priloženih uz ponude u smislu provjere validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima i utvrđeno je sljedeće:

- 1) ponuda ponuđača GONG d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14, 59/22 i 50/24), odbačena iz razloga što Ponuđač nije ispravno popunio Aneks 2 – Obrazac za cijenu ponude – usluge, kako je to zahtijevano Tenderskom dokumentacijom broj: JN-65/25, odnosno Ponuđač nije popunio u tabeli pod 11. „Rok isporuke od momenta usmene ili pismene dispozicije“, tako da se nije moglo utvrditi koliko je dana potrebno za isporuku po specificiranim stavkama usluga štampe i isporuke.

Dalje, Ponuđač je neispravno popunio Aneks „Povjerljive informacije“.



U rubrici „Informacija koja je povjerljiva“, ponuđač je upisao kompletan predmet ove javne nabavke, a u rubrici „Brojevi stranica s tim informacijama u ponudi“ upisao je „1-73“ a ponuda sadrži 73 lista i u rubrici „Razlozi za povjerljivost tih informacija“ upisano je da „Zaštita i neotkrivanje bilo kojih povjerljivih informacija pri realizaciji saradnje. Svaka zloupotreba daje za pravo da se traži naknada štete“.

U skladu sa odredbama člana 11. (Povjerljivost) Zakona o javnim nabavkama („Službeni glasnik BiH“, broj 39/14, 59/22 i 50/24), kao i odredbama pod 5.4. Tenderske dokumentacije broj: JN-65/25, povjerljivim podacima ne mogu se smatrati: a) ukupne i pojedinačne cijene iskazane u ponudi; b) predmet nabavke, odnosno ponuđena roba, usluga ili rad, od koje zavisi poređenje sa tehničkom specifikacijom i ocjena da li je određeni ponuđač ponudio robu, usluge ili rad u skladu sa tehničkom specifikacijom; c) potvrde, uvjerenja od kojih zavisi kvalifikacija vezana za ličnu situaciju kandidata/ponuđača, tako da se nije moglo utvrditi da li u ponudi postoje ili ne postoje i koje povjerljive informacije.

- 2) ponuda ponuđača GRAFIČAR d.o.o. Bihać je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14, 59/22 i 50/24), odbačena iz razloga što Ponuđač nije ispravno popunio Aneks broj 5-Nacrt ugovora za nabavku usluga. U članu 1. nije naveo broj i datum ponude, u članu 3. na mjestima gdje je trebalo upisati cijene u brojevima i slovima sa PDV-om i bez PDV-a nije upisano, u članu 5. nije upisan broj ponude i rok pružanja usluga od dana prijema narudžbe. Također, Nacrt ugovora nije opečaćen od strane Ponuđača, a u Tenderskoj dokumentaciji broj: JN-65/25 traženo je pod 4.1. tačkom e) „potpisan, popunjen i opečaćen nacrt ugovora koji je sastavni dio ove tenderske dokumentacije“.
- 3) Ponuda ponuđača INTEA BH d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14, 59/22 i 50/24), odbačena iz razloga što Ponuđač nije ispravno popunio Aneks broj 5-Nacrt ugovora za nabavku usluga. U članu 3. na mjestima gdje je trebalo upisati cijene u brojevima i slovima sa PDV-om i bez PDV-a nije upisano, u članu 5. nije upisan rok pružanja usluga od dana prijema narudžbe, a u Tenderskoj dokumentaciji broj: JN-65/25 traženo je pod 4.1. tačkom e) „potpisan, popunjen i opečaćen nacrt ugovora koji je sastavni dio ove tenderske dokumentacije“.

Dalje, Ponuđač nije popunio Aneks - Povjerljive informacije, tako da se nije moglo utvrditi da li u ponudi postoje ili ne povjerljive informacije.

Ponude ponuđača: PRINTERPAPIR d.o.o. Sarajevo, ŠTAMPARIJA Fojnica d.d. Fojnica, OXYGEN d.o.o. Sarajevo i SVJETLOST-BH PRINT d.o.o. Sarajevo sadrže potpunu dokumentaciju dostavljenu na način kako je zahtjevano u tenderskoj dokumentaciji - Konkurentskom zahtjevu za dostavljanje ponuda JN-65/25.

Ponude ponuđača: PRINTERPAPIR d.o.o. Sarajevo, ŠTAMPARIJA Fojnica d.d. Fojnica, OXYGEN d.o.o. Sarajevo i SVJETLOST-BH PRINT d.o.o. Sarajevo sadrže dokaze za ispunjavanje uslova kvalifikacije za dalju evaluaciju, odnosno za e-aukciju.

Analizom ponude ponuđača PRINTERPAPIR d.o.o. Sarajevo, ŠTAMPARIJA Fojnica d.d. Fojnica, OXYGEN d.o.o. Sarajevo i SVJETLOST-BH PRINT d.o.o. Sarajevo za ovu nabavku u vezi ekonomske, tehničke i profesionalne sposobnosti utvrđeno je da nema razloga za odbijanje.

Analizom ponude ponuđača PRINTERPAPIR d.o.o. Sarajevo, ŠTAMPARIJA Fojnica d.d. Fojnica, OXYGEN d.o.o. Sarajevo i SVJETLOST-BH PRINT d.o.o. Sarajevo utvrđeno je da su ponude dostavljene blagovremeno, omotnice sa ponudama ispravno zapakovane, dostavljene u jednom primjerku „original“ i jednom primjerku „kopija“.

U skladu sa Pravilnikom o uslovima i načinu korištenja e-aukcije i u skladu sa Tenderskom dokumentacijom broj: JN-65/25 predviđena je e-aukcija i zakazana je za 12.05.2025. godine u 09:15.

Početna lista ponuđača koji su pozvani da učestvuju u e-aukciji:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	OXYGEN d.o.o. Sarajevo	39.601,00	46.333,17
2.	PRINTERPAPIR d.o.o. Sarajevo	39.673,40	46.417,88
3.	ŠTAMPARIJA Fojnica d.d. Fojnica	39.850,02	46.624,52
4.	SVJETLOST-BH PRINT d.o.o. Sarajevo	39.971,41	46.766,62

Početna cijena je bila 39.601,00 KM bez PDV-a.





Nakon održane e-aukcije 12.05.2025. godine u 09:15 sati, koja je trajala do 11:56 sati, konačna rang lista ponuđača koji su učestvovali u e-aukciji izgleda:

R. br.	PONUĐAČ	Cijena na (javnom) otvaranju KM (bez PDV-a)
1.	PRINTERPAPIR d.o.o. Sarajevo	32.690,00
2.	ŠTAMPARIJA Fojnica d.d. Fojnica	33.700,00
3.	OXYGEN d.o.o. Sarajevo	35.030,00
4.	SVJETLOST-BH PRINT d.o.o. Sarajevo	39.971,41

S obzirom da je ponuda ponuđača PRINTERPAPIR d.o.o. Sarajevo ocijenjena kao najpovoljnija, predlaže se prihvatanje ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača PRINTERPAPIR d.o.o. Sarajevo, kao najpovoljnije za predmetnu nabavku. Konačna cijena ponude za predmetnu nabavku iznosi 32.690,00 KM bez PDV-a.

Ponuđač PRINTERPAPIR d.o.o. Sarajevo je dužan u roku od 5 dana od dana zaprimanja ove odluke dostaviti novi „Obrazac za cijenu ponude“ koji će da odražava smanjenje cijene iz e-aukcije.

Imajući u vidu prednje navedeno, Ugovorni organ je donio Odluku kao u dispozitivu.

Protiv ove Odluke svaki od ponuđača/dobavljača koji nije izabran ima pravo da podnese žalbu u roku od pet dana od dana prijema ove odluke. Žalba se podnosi Ugovornom organu SERDA d.o.o., u pisanoj formi.

Dostaviti:

- Ponuđačima
- Web stranica
- a/a

DIREKTORICA

Sanela Dževljan

